

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2010704773 որոշումը բեկանելու և վարչական իրավախախտման վերաբերյալ գործը նոր քննության ուղարկելու մասին

«10» 02 2020թ. 7-4-1120

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս վերանայելով քաղաքացի Գրիգոր Պողոսյանի դիմումի (ՄԴ/5478-20) քննարկման արդյունքում ստեղծված նյութերը՝

Պ Ա Ր Զ Ե Ց Ի

OPEL մակնիշի 35 RU 392 հաշվառման համարանիշի տրանսպորտային միջոցի վարորդը 21.12.2019թ. ժամը 22:26-ին Երևան քաղաքի Աբովյան-Իսահակյան փողոցների խաչմերուկի հատվածում չի կատարել կանգ գիծ գծանշման պահանջը՝ խախտելով Վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասի պահանջը, ինչի հետևանքով նշված ավտոմոբիլի սեփականատեր Թեհմինե Գևորգի Սաֆարյանը Ճանապարհային ոստիկանության թիվ 2010704773 որոշմամբ ենթարկվել է վարչական պատասխանատվության, տուգանքի՝ 5000 ՀՀ դրամի չափով:

Քաղաքացի Գրիգոր Պավելի Պողոսյանը ՀՀ Ոստիկանության ճանապարհային ոստիկանություն դիմում (հիմք ՄԴ/5478-20) է ներկայացրել՝ հայտնելով, որ վերը նշված թիվ 2010704773 որոշմամբ ամրագրված իրավախախտումը կատարվել է իր (ՀԾՀ՝ 1807540499, Վ/Վ՝ RB008460, հասցեն՝ ք.Երևան, Ազատամարտիկների փ., տ.162/1) կողմից և խնդրել այն վերահասցեագրել իրեն:

Ոստանասիրությամբ պարզվել է, որ թիվ 2010704773 որոշմամբ արձանագրված խախտումը կատարելու պահին Գրիգոր Պողոսյանը տրանսպորտային միջոցը վարել է ուժը կորցրած վարորդական վկայականով, ինչի համար Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով սահմանված է տուգանք՝ 10000 ՀՀ դրամի չափով:

Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասի համաձայն՝ եթե անձը կատարել է մի քանի վարչական իրավախախտումներ, որոնց վերաբերյալ գործերը միաժամանակ քննվում են նույն մարմնի (պաշտոնատար անձի) կողմից, տույժը նշանակվում է առավել լուրջ խախտման համար սահմանված սանկցիայի շրջանակներում:

Հաստատված համարելով այն, որ թիվ 2010704773 որոշմամբ ամրագրված ճանապարհային երթևեկության կանոնի խախտումը կատարվել է Գրիգոր Պողոսյանի կողմից, նկատի ունենալով, որ խախտումը կատարելիս վերջինս տրանսպորտային միջոցը վարել է ուժը կորցրած վարորդական վկայականով, թիվ 2010704773 որոշումը ենթակա է բեկանման, իսկ Գրիգոր Պողոսյանը՝ Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասի համաձայն, ենթակա է վարչական պատասխանատվության՝ Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով սահմանված կարգով:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածով և 293-րդ հոդվածի 1-ին մասի 2-րդ կետով՝

Ո Ր Ո Շ Ե Ց Ի


1. Ճանապարհային ոստիկանության վարչական տույժ նշանակելու մասին թիվ 2010704773 որոշումը բեկանել:

2. Գործն ուղարկել ՃՈ ՃՊԾ 1-ին սպայական գումարտակ՝ Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով վարույթ իրականացնելու համար:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

4. Սույն որոշման օրինակն ուղարկել Գրիգոր Պողոսիկյանին (հասցեն՝ ք.Երևան, Ազատամարտիկների փ., տ.162/1), Թեհմինե Սաֆարյանին (հասցեն՝ ք.Երևան, Մարտիկյան նրբ., տ.9), ՃՈ ՃՊԾ 1-ին սպայական գումարտակ և ՏՄՀԽԱ կենտրոն:

Կատարող Ա.Տիգրանյան



Ե.Կարապետյան